

دائرة مخصوصه

در سعادتده باب عالی جوارنده

محل اداره :

مستطابق

اخطار :

مسلكمزه موافق آثار جديده مع المنوئيه
قبول اولنور

درج ايده يني آثار اعاده اولنور

ديره، فلسفه، علوم، حقوق، ادبيات و سياستنامه و بالخاصه كرك سياسي و كرك اجتماعي و مدني احوال و شئون اسلاميه در بحث ايدر و هفته ده بر نشر اولنور.

آبونه بدلی

صاحب و مؤسسلری :

در سعادتده نسخه سی ۵۰ پاره در

ابوالعلا زین العابدین - ح . اشرف ادیب

سنه لکی التي آیلنی

ممالك عثمانیه ایچون	۶۵	۳۵	غروش
روسیه	۶۵	۳۵	روبله
سائر ممالك اجنبیه	۱۷	۹	فرانق

تاریخ تأسیسی

۱۰ تموز ۳۲۴

قیرله دن مقوا بورو ایله کوندریلیر سه سنوی
۲۰ غروش فضله آلنیر

عدد : ۱۰۶

۱۱ رمضان ۳۲۸ پنجشنبه ۲ ایلول ۳۲۶

بشنجی جلد

زیرا عربلرک موقعلری و عبادات قدیم و عادات قومیه لرینک اسلامیت اوزرینه بیوک بردخل و تأثیری اولمشدر .

عربلر : لاتین قومنک ظن و ذهابلری وجهله اسملرینی اپولو اوغلی [ارابیوس] دن المامشلردر . عربلرک اسملری حضرت اسماعیل علیه السلامک ایلمک قامتکاهی اولان مدینه جوارنده عربیه شهری اسمندن مأخوذدر . اخیراً بواسم آسیانک الک کوزل قطعه سی اولان جزیره العربک عموم سکنه واقوامنه علم مخصوص اتخاذا قلمشدر . عربلر اصل اعتباریه بش ایالت ویا بش حکومته منقسم برقوم فراوان ایدیلر . انجق اوروپانک اسکى جغرافیونى اشبو ایالات خمسہ اسمی حقیقه لرینی بیله مدیکارندن ناچار انلرک استعمال ایلش اولدقلری عربستان جبالی، عربستان صحاری، عربستان امصاری ناملرینه تقسیم واولصورته تعریف وتوسیمه مجبورر .

عربستانک جهات ثلاثیه سی بحر ایله محاط اولوب غرباً بحر احمر، جنوباً بحر محیط هندی، شرقاً خلیج فارسى دکزلرینه منتهی وشمال جهتی سوریه قطعه سی و فرات نهریه محدود برقطعه جسیمه اولوب مساحت سطحیه سی اسپانیا وفرانسه وایتالیا والمانیامجموع مساحتلرندن واسع وزیاده در . روما مورخلرندن [پلینی] نام مورخ جزیره مابین النهرینی عربستاندن عدو شمار وعربلره سوریه لی نامنی اطلاق ایلکده در . بوتسمیه یه سبب آل دیامینی عربلرینک برمدت سوریه یی استیلا اولدقلری کبی یمندن هجرت ایدن ازد ایله ال غسان قبیله لرینک مدت مدیده اولحوالیده حکمفرما اولملرندن ناشیدر . حواریونندن [بواص] ک قورنت اهالیسنه یازدینی نامه ده ذکر ایلدیکی وجهله کندیسنى دمشقده توقیف ایتیمک ایستیان [ارتاس] عرب حکمدارلرندن بری اولمسی لازم کاور ، زیرا اولحوالیده حکمفرما اولان امرانک اکثر اسمیلری بنی حارث لقیله مشهور وارتاس دخی اندن محرف اولدینی مظلوندر .

ایالات عربیه کلنجه اوروپا لولرک قبول ایتدیکلری تقسیماته نظراً عربستان جبالی غربده بحر احمرک قسم داخلیه ومصرک برطرفیه محاطدر . شمال جهتنده دخی ارض فلسطین ، سوریه قطعه سیله محدوددر . شرقاً دخی عربستان صحاری ایله معروفدر . جنوبده عربستانى مدائن و قیافیه تقسیم ایدن سلسله جبال ایله مقسومدر . روما مورخلرندن [استرابو] و [پلین] ویطولمى قطعه مذکوریه [نایاتیه] نامی اطلاق وبواسمى حضرت اسماعیل علیه السلامک اون ایکی اولاد ذکورندن الک بیوک اوغلی [نابیاوف] اسمندن مشتق اولدینی زعمنده درلر . انجق بواسم فلسطینه جوار اولان محله اطلاق اولمقده اولوب اولحوالی اراضیه غایت منبت ومحصولدار اولمقده برابر اهالیسی زراعت وتجارتله مألوف برقومدرلر . عربستان صحاری ایسه غربده قسم جبالی ایله سوریه قطعه سیله محاطدر . شمالده دخی فرات نهریه محدود وشرقده بابل اراضیسنندن تفریق ایدن سلسله جباله منتهی وجنوبده قسم مدنیسی قسم صحاریدن برطاقم جبال ایله

[ب] واحدیت ذات الهینک جمع وجوه دن اولدینی بیان والوهیت کافه عوامدن استغنا وجمع موجوداتک کندیسنه احتیاجی معناسنه اولمقده واحد مطلق اولمامسی اجزاسنه احتیاجی ایجاب ایده جکندن لازم اولان احدیت الوهیه تردیف والوهیت احدیت ایله تعقیب اولدیکه بوندنده الوهیه احدیتک ترتب ایده جکی ایدان قلندی .

چونکه هر نه قدر من حیث هو هو الوهیت احدیتی مقتضی ایسه ده احدیت الوهیتی مقتضی دکدر .

بوندنصکره : معنای الوهیتک تحقیقی ضمننده وجوب وجود وبامبدأیت کل معنالیسه اولان صمدیت ایراد اولندی .

بعده کندیسى غیردن تولد ایلامش اولمقده غیرکده کندیسندن تولد ایلدیکی وهر نه قدر ذات الوهیت جمیع موجوداتک خالق اولمقده کافه ماهیاته افاضه وجود ایلش ایسه ده وجود الهیسی غیرت اترفیضی اولدینی کبی کندیسى دخی بر (مثله) افاضه وجود ایتدیکی بیسان بیورلدى وبونی دخی وجودده کندیسنه مساوی برشی اولمامسی بیانی تعقیب ایلدی .

خلاصه سورة شریفه نک اولندن (الله الصمد) قول کریمنه قدر ماهیت ولوازم ماهیت ووحدت حقیقه واصلا غیر مرکیت بیان ونهایت سورة شریفیه قدر اولان آیتلرده دخی نه ماهیت جنسیه ونه ماهیت نوعیه سننده هر هانکی صورته اولورسه اولسون کندیسنه مساوی کله جک برشی اولدینی اتیان بیورلمشدر .

بالجمله علومک طالب وتحصیلندن مقصد اصلی ذات وصفات الهی یی معرفت وافعال الهیه نک کیفیت صدورینی درایت اولدینی درکارو سورة شریفه دن ایسه تعریض وایما طریققریلله ذات الهیه تهعلق ایدن ایمانک کافه سنی آشکاراولمقده اولدیغندن رسول الله (ص.ع) اقدمن حضرتلری بوسورة شریفه نک اصل العلوم قرآن کریمک ثلاثه معادل اولدینی بیان بیورلمشدر .

فهذا اخر ما وقعت علیه من اسرار هذی السورة والله تعالى اعلم بغایاتها والحمد لله لولیه والصلوة علی نبيه

شرف الدین

اسلامیتک ظهور وترقیسی

مبات حضرت محمد

مترجمی

ماریخی زاده عارف

مؤلفی

در قنور استانی

فصل ثالث

عربلرک تاریخندن برنبده

بو کتابک تحریرندن مقصد اصلی اولان اسلامیتک تعریفی ایچون منشاء ومهد ظهوری اولان عربلرک تاریخی بیان ایلمک مقتضی در .

اطلاق اولنوردی . دینلری پک قدیم اولوب حضرت ادریس ایله شیت علیه السلامدن تلقی ایلدیگری و شیت علیه السلامک صحفی کندیلرنده موجود اولدینی ادعاسنده ایدیلر . انجق حضرت ابراهیم علیه الصلوة والسلام (حیران) ده ایکن قبل الوحی تابع اولدینی دین دخی صحف شیت احکامندن عبارت اولدیغنه شبهه یوقدر . مورخ (مایمونیدس) روایتیه نظرأ اول ائشاده عموم دنیا اهالیسک دینی ابوالفداتک دخی روایتی بونی مؤیددر .

یمیلیر وحدانیت الوهیتیه قائل و جناب حقک عظمت و قدرتی معتقد ایدیلر . انجق جناب حقه تقرب ایچون برطاقم واسطه لک شفاعتی لزومه ذاهب ایدیلر . جناب حق اول واسطه لرله تضرع و نیاز ایلرلر ایدی . دعا لرده عبودیتلرینی اعتراف و جناب حقک حکم و قدرتندن خارج برنسنه بولمیدینی اقرار ایلرلر ایدی . جناب حق ایله قوللری ارسنده خطادن معصوم و غیر مرئی و سائطک وجودینه قائل اولدقلری کبی اجرام سماویهدن بولن ان نجومک دخی تأثیرات مادیه لرینه قائل ایدیلر . و بواعتقاده منبی مواقع نجوم ایله ثوابت و سیاراتک سیر و حرکتلرینه و یکدیگرلرله مصادمه و سقوطلرینه برچوق معانی اسناد و احکام استنباط ایلرلر ایدی . اشیو اجرام علویه ک حرکتلرله لیل و نهارک مقدار و ساعات زمانیه سنی تقدیر و تعیین ایلدیگری کبی اشکال لرندن برطاقم مهرلر و وفقر ترتیب و انلردن استغناء و استعانه ایلرلر ایدی و اول ائشاده عمالک عربیه ده و ارض فلسطین ایله مصرده و عمالک سائرده استعمال اولنه کلان نسخه لر انلردن مأخوذدر .

دیرکلر آره سنده

خامعلرک ارتومبیل له کیمه یاسلری

اسکیدن باصمه قالب برطاقم امرلر وارنی ، وقت میعاد کلهجه مطبوعاتیه تبلیغ ایدیلر ، غزته لر یازار ، هرکس اوقور ، ممنون اولور ، بوضورتله افکار عمومییه مماشات اولنوردی .

مقصد ، ایش یامق دکل ، اهالییه خوش کورونمک . هرکس ایشک حقیقتی سچه مزیا ، نه حکومت وظیفه سنی یایدی ، دیر ، نظر انتقادی باشقه نقطه لره چویرردی . هیچ برشی یامماق ، فقط هرشیء یاپار کورونمک ... اوزمانک انک اساسلی دستور سیاستی ایدی .

صوکران زمانلر دیکشدی ، ریاکارلق قالمغه ، اوامر حکومتده جدیت کورنمکه باشلادی . چونکه حکومتک یوزی آق ، آلی آجیق کیمسه دن پرواسی یوق . خیر دیه اعتقاد ایتدیکی شیئی امر ایدر ، امر ایتدیکی شیئی هان تطبیق ایدر ...

برچوق مسئله لرده حکومتک بوجدیتی زور انکار اولنه بیلر . یالکنز بعض جهت لرده واردرکه اورالرده نه درجه یه قدر جدیت کوسترمک ایسته دیکی هنوز معلوم دکلدیر . مع مافییه بونقطه یی ده نظر اهیتدن اوزاق بولونیدر دیغنه اینانماملی در .

مفرزدر . بوقطه نك اراضیسی مستوی و قومسال اراضیدن عبارت اولمغه قسم اعظمی زراعت و سکاندن خالیدر .

عربستان امصاری شبه جزیره کبی بحر احمر ایله خلیج فارسی میاننده کائندر . اقسام ثلثه سنک انک بیوک قسمیدر مساحه سطحیه سی روایتیه نظرأ اوچیک بشیوز درت میل مریمنده در . قطعه مذکوریه مورخ [سولینوس] و سائرلری [ایمان] نامنی ویرمکده و عرلر (یم) تسمیه ایلکده درلر .

مؤرخ (دینسیوس) عربستانک او جهتلرنده بر مدت اقامت ایلش اولمسنندن طولای قطعه مذکوریه (امیتام) نامنی ویرمش که قطعه محبوبه دیمکدر . فی الواقع قطعه مذکوریه قطعات سائرده دن دها جسم اولمغه برابرده منبت و محصولداردر و او قطعه آسیانک الیزنکین بقعه سی اولدینی روایت اولنیور . قطعه مذکوریه پک چوق الماس و قیمتدار احجار معادنی بولمیدینی کبی اشجارندن برچوق پلسنک وضعف عربی ، و سواحلندن غیر استخراج اولمغه در ، و الحاصل قطعه مذکوریه اول درجه زنکین و اول مرتبه دلنشیندر که جنتدن بر قطعه عدا و انسه سزادر . کلدانیلر زماننده تکمیل عربستان بر حکومتک زیراداره سنه داخل اولوب اولمیدینی مجهولدر . عربلر کرچه بر چوق قبائله منقسم و یهودیلر کبی خارجدن تاهل ایتماک صورتیه انساب قومیه لرینی محافظه ایلشلسده انجق دیانات و معارف قدیمه لرندن معلوم و معروف پک آز اثار قالمشدر . مع مافییه عجملرک و کلدانیلرک علم هیئت و علم نجوم ایله سائر علوم مشهوره لری عربلردن مأخوذ و لدینی مرویدر . لسانلرینه کلنجه (یعرب) نامنده بر ذاتک ظهورینه دکن لسان عبرانی و یاسریانیدن پک فرقی دکلدی .

عربلر ایکی قسمه قابل تقسیم اولدقلری مرویدر ، که بر قسمی عرب عربادرلر که بونلر قحطان بن هبر بن صالح بن سام بن نوحدر و ایکنجی قسمی عرب مستعربه درلر که انلر حضرت ابراهیم الخلیل علیه الصلوة والسلام مخدومی حضرت اسماعیل علیه السلامی ارض حجازده جرهم قبیله سنک نشیمکاهی اولان (یثرب) مدینه سنه کتوروب انده اقامت و جرهمیلردن تاهل ایلسیله قریش قبیله سیله سائر قبائل مستعربه انک ذریقتدن متولد و متناسلدر . حضرت اسماعیل جرهم قبیله سنندن تاهل ایلسیله انلرک عادات و لسانلرینی اخذ ایتمش و کندیسی ایله ذریقی قبائل عربیه میانده داخل اوله رق ادرلرنده نسبندن بر فرق قالمامشدر لساننه کلنجه جرهمیلرله قحطانیلرک لسانلری بیننده جزوی بر فرق و تفاوت واردر . قحطانیلر (حمیر) لسانیه متکلم اولدقلری حالده حضرت اسماعیل (حمیر) لسانیه جرهم لسانی مزاج ایدرک بر لغت فصیحیه ایجاد ایلشدر .

قحطانیلر عن اصل یمندن هجرت ایتمش عرب عربا قبائل اصلیه لرندن اولمیرینه و جرهمیلر ایسه صحرای حجازیه ده متوطن بولمیرینه و حضرت اسماعیل ایسه عبرانی الاصل اولمسنه نظرأ قحطانیلر کندیلرینه بر نوع تفوق و رجحان ادعاسنده ایدیلر . یمن اهالیسی سبا ابن یشجب ابن یعرب ابن قحطان ذریقتدن اولدقلردن ناشی کندیلرینه (سبائی)